



Broj: 02,03,03/11-05-1-955/18

Sarajevo, 22. 5. 2018.



BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

B

PRIMLJENO. 21-08-2018			
Organizaciona jedinica	Klasifikaciona oznaka	Redni broj	Broj priloga

### Izvještaj s Međunarodnog simpozija o kulturnoj diplomatiji 2018:

„Kulturna diplomatija, rješavanje sukoba i izgradnja mira“ – Berlin, 18 - 20. maj 2018.

Predsjedavajući Doma naroda Parlamentarne skupštine Bosne i Hercegovine Ognjen Tadić učestvovao je na Međunarodnom simpoziju o kulturnoj diplomatiji, koji je pod nazivom „Kulturna diplomatija, rješavanje sukoba i izgradnja mira“ održan od 18. do 20. maja u Berlinu.

Međunarodni simpozij je najveća svjetska konferencija u oblasti studija međunarodnih odnosa i kulturne diplomatije, a koji organizira Akademija za kulturnu diplomatiju iz Berlina. U glavnom gradu Savezne Republike Njemačke svake godine okuplja poznate ličnosti iz oblasti međunarodne politike i akademske zajednice koji govore o interdisciplinarnoj publici, uključujući diplomatske i političke predstavnike, naučnike, akademike, kao i mlade.

U okviru prve sesije ovog međunarodnog simpozija, govoreći učesnicima simpozija o temi „Moguća načela političkog jezika u funkciji kulturne diplomatije, rješavanja sukoba i izgradnje mira“, predsjedavajući Tadić, kao glavni uvodničar, bavio se mogućim načinima uz pomoć kojih Bosna i Hercegovina može izaći iz lavirinta postojećih unutrašnjih odnosa, kao i potrebnom da, kako je rekao, izmjenom jezika kao sredstva zatvorenih obrazaca narodnih političkih kultura omogućimo funkcionalnije korištenje različitih narodnih kultura u kulturnoj diplomatiji, a time i upravljanje ili rješavanje domaćih konflikata i konflikata BiH s drugima, posebno zemljama bivše Jugoslavije u oblasti kulture.

Prema riječima predsjedavajućeg Tadića, u BiH, odnosno Republici Srpskoj i Federaciji BiH, postoje tradicionalne jezičke konstrukcije kojima se govori o politici, a koje su izvor i katalizator konflikata. Predsjedavajući Tadić je rekao da jezik kojim se konfliktno oboji određena informacija u BiH koriste ne samo političari već, prije svih, novinari, a često i naučni javni radnici.

Nudeći moguća rješenja za ovu situaciju, predsjedavajući Tadić je naglasio da jezik treba uskladiti s načelom zastupanja i poštivanja realnih interesa i istinskih vrijednosti konfliktnih strana. To bi, prema mišljenju predsjedavajućeg Tadića, značilo napuštanje upotrebe jezika mržnje i jezika kojim se na bilo koji način podstiče nasilje ili druga konfliktna strana opisuje kao potencijalno ili stalno opravdana meta, odnosno napadač. Jezik političkih optužbi, posebno kolektivnih, mogao bi biti napušten kao neprimjeren jeziku mira i stabilnosti, rekao je predsjedavajući Tadić, iznoseći načela korisnosti, korektnosti, kompetentnosti i konkretnosti kao osnovna načela ispravne i svrsishodne upotrebe političkog jezika.

Tokom Međunarodnog simpozija u Berlinu, predsjedavajući Tadić imao je niz zanimljivih bilateralnih razgovora s naučnicima i ekspertima za međunarodne odnose i kulturnu diplomatiju iz cijelog svijeta.


Simpoziju koji je organizirala Akademija za kulturnu diplomatiju iz Berlina, osim predsjedavajućeg Doma naroda PSBiH Ognjena Tadića, prisustvovali su i: sekretar Doma naroda PSBiH Bojan Ninković, Enida Mehmedovski iz Sektora za međunarodne odnose i protokol Sekretarijata Parlamentarne skupštine BiH i Amila Žujo, prevoditeljica u Sektoru za međunarodne odnose i protokol Sekretarijata Parlamentarne skupštine BiH.

Izvještaj pripremila:


Izvještaj odobrio:

Predsjedavajući Doma naroda PSBiH

Enida Mehmedovski



Mr. Ognjen Tadić



Dostaviti:

- Kolegiju Doma naroda PSBiH
- Kolegiju Predstavničkog doma PSBiH
- Kolegiju Sekretarijata PSBiH
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću PSBiH
- Sektoru za međunarodne odnose i protokol PSBiH

Kopija: Ministarstvo vanjskih poslova BiH